

PEMBENTUKAN DASAR PEMBANGUNAN NASIONAL (DPN)

LATAR BELAKANG

- Dasar Pembangunan Nasional (DPN) dilancarkan oleh Tun Dr. Mahathir Mohamad, Perdana Menteri Malaysia Keempat pada 17 Jun 1991.
- DPN merupakan kesinambungan DEB yang telah dirangka untuk tempoh 10 tahun (1991 – 2000).
- DPN dilaksanakan melalui Rangka Rancangan Jangka Panjang Kedua (RRJP2).
- DPN merupakan usaha untuk menjadikan Malaysia negara maju berdasarkan Wawasan 2020.

MATLAMAT

- Matlamat DPN ialah untuk mencapai perpaduan negara melalui pengagihan kekayaan.
- Matlamat ini dicapai melalui pembangunan seimbang antara negeri dan antara bandar dengan luar bandar melalui beberapa aspek.
- Matlamat DPN dilaksanakan melalui Rancangan Malaysia Keenam dan Rancangan Malaysia Ketujuh.

OBJEKTIF

- Objektif DPN adalah untuk mewujudkan masyarakat yang bersatu padu.
- Usaha ini dilakukan dengan memperkukuh kestabilan sosial dan politik di samping mengekalkan pembangunan ekonomi yang berterusan.
- DPN menetapkan langkah ke arah membolehkan Malaysia mencapai taraf negara maju dalam semua aspek seperti keadilan sosial, nilai, etika dan moral, kestabilan politik, kualiti hidup, kecekapan pentadbiran kerajaan serta kecemerlangan ekonomi.

STRATEGI

(a) Ekonomi

- (i) Pelibatan aktif pihak swasta dalam pembangunan ekonomi negara.
- (ii) Melaksanakan program penanaman semula.
- (iii) Penggunaan sains dan teknologi.
- (iv) Meningkatkan pemilikan saham bumiputera.

(b) Sosial

- (i) Memberikan insentif serta kemudahan pendidikan untuk kemajuan masyarakat miskin tanpa mengira kaum.
- (ii) Mewujudkan masyarakat perdagangan dan perindustrian bumiputera.
- (iii) Membentuk masyarakat yang berdisiplin dan progresif.

(c) Kemudahan fizikal dan alam sekitar

- (i) Menyediakan dan menambah baik kemudahan asas.
- (ii) Pembangunan mapan tanpa mengabaikan alam sekitar.

